

I 237.2/7


六十種曲

(六)

毛
晉編



20916029



916029

繡刻運甃

記定本

目錄

- | | |
|------|------|
| 第一齣 | 家門始末 |
| 第二齣 | 剪髮延賓 |
| 第三齣 | 瑯琊就鎮 |
| 第四齣 | 辭親赴任 |
| 第五齣 | 陳敏造逆 |
| 第六齣 | 緘報平安 |
| 第七齣 | 帥閫賓賢 |
| 第八齣 | 噴鮓封還 |
| 第九齣 | 棄官就辟 |
| 第十齣 | 姑病求醫 |
| 第十一齣 | 剪逆聞喪 |

第十二齣 諸賢渡江

第十三齣 牛眠指穴

第十四齣 卜居求安

第十五齣 藩府賀正

第十六齣 權門燈宴

第十七齣 問卜決疑

第十八齣 杜弢定計

第十九齣 新亭灑泣

第二十齣 平蠻奏凱

第二十一齣 廣州運甓

第二十二齣 太眞絕裾

第二十三齣 折翼著夢

第二十四齣

手板擊鳳

第二十五齣

紉衣被賊

第二十六齣

移鎮石頭

第二十七齣

聞叛勤王

第二十八齣

夢日環營

第二十九齣

斬鳳贖罪

第三十齣

歛望招兵

第三十一齣

惜陰投具

第三十二齣

蘇峻倡亂

第三十三齣

揮塵驅車

第三十四齣

發兵助溫

第三十五齣

父子死節

第三十六齣

太眞借饌

第三十七齣

彭李鬻峻

第三十八齣

蔣山致奠

第三十九齣

廬江會合

第四十齣

官誥榮封

運甓記

明 吾邱瑞 著

第一齣 家門始末

〔齊天樂〕〔副末開場〕畫堂今日歌金縷。座集貂蟬簪組。酒進霞觴。屏開雲母。次第裝今演古。徧觀樂府。盡麗曲妖詞。宣淫導頰。過眼生憎。細追尋風化終無補。暫且移宮換羽。勸君休覷。做等閒儔伍。宛轉鶯喉。輕敲象板。訴出忠良肺腑。循腔按譜。漸引入陶陶醉鄉深處。潦倒金尊。暢飲娛賓主。〔問答照常〕

〔沁園春〕陶母辛勤。太尉忠義。未遇時翦髮命結賢豪。蚶鮓嗔封。牛眠指葬。范逵特薦。顯東朝。羣英會。新亭灑泣。鏖戰樹奇標。心忉。錢鳳讒撓。廣南移鎮。受波濤。晨昏運甓。夢飛折翼。惜陰投具。肅振參寮。太真絕裾。同心戮力。逆峻旋擒。青史昭。功成後。官封太尉。八鎮擁旌旄。

湛夫人翦髮延賓。

范孝廉薦賢爲國。

溫都督義激絕裾。

陶太尉忠成運甓。

第二齣 剪髮延賓

〔瑞鶴仙〕〔生儒服扮陶侃上〕弧矢懷樽俎。嘆銅駝荆棘。干戈旁午。英雄困塵土。奈生計蕭疎。功名艱阻。忠謀未吐。甚日遘雲龍風虎。把頽綱重振。圖形臺閣。勒銘鐘簴。〔鷓鴣天〕落落西江一布衣。未能仗劍對公車。內承孟母三遷教。腹飽陳平六出奇。悲往事。嘆居諸。腰金衣紫待何時。男兒未遂封侯願。空負堂堂七尺軀。小生姓陶。名侃。表字士行。本貫豫章鄱陽人也。家徒四壁。學足三冬。少失椿庭。悲旣深於陟屺。長隨護室。慚莫慰其倚閭。所喜荆妻龔氏。井臼躬操。可寄蘋蘩之託。孩兒陶洪。詩書勤習。堪承弓冶之傳。朝來寒氣侵人。雪花飛墜。雖無長物以盡冬溫。權且承顏而趨晨省。不免往母親處問寢一番。多少是好。呀。道猶未了。母親早到。

〔夜行船〕〔老旦扮陶母上〕茹蘗餐冰今已老。嗟一子尙困蓬蒿。績紵躬親。詩書勤教。終日繫縈懷抱。

〔前腔〕〔旦上〕盍漱雞鳴爲婦道。〔小旦扮陶洪上〕儘追隨重慶斑袍。〔末扮陶旺〕二

白沾衣。六花飛絮。〔合〕且把曉炊怡老。〔見介老旦〕三十餘年喪藥砧。茅簷草舍景蕭然。終宵紡績供家食。盡日絲麻待客筵。老身湛氏。丈夫陶丹。壯歲無兒。取備小星之列。暮齡得子。欣瞻老蚌之珠。自從他棄世以來。家業中微。田園漸廢。朝餐苜蓿。寧甘藿食之貧。夜燭青藜。敢愧熊丸之教。近日聞得晉室顛危。中原板蕩。此正豪傑奮勇之秋。英雄用武之日。孩兒。你須結納賢豪。廣延聲譽。倘得鵠起。庶可懷仲。也不枉了做娘的一番教育。〔生〕謹遵母親嚴命。

〔黃鶯兒〕〔老旦〕孩兒。你韜略蘊孫吳。吐長虹氣。瓦舒須。乘時早獻甘泉賦。文參廟謨。武堪枕戈。鷹揚四海。把聲名播。〔合〕綰銅符。韓彭寇鄧。談笑樹鴻圖。

〔前腔〕〔生〕母親我壯志貫天弧。挽烏號膽氣轟。膚功擬奏悲無路。〔旦〕婆婆。他才珍抱瑜。〔小旦〕爹爹。你藏器待沽。〔生旦小旦合〕終須有日登樞府。〔合前〕

〔金瓏璫〕〔小生扮范達上〕德星光燦戶。今朝喜遂登龍。〔丑扮銀鹿隨上〕蒙瑞雪。涇驕驄。〔小生〕小生范達是也。久慕士行高名。今朝特來相訪。迺邇行來。此間已是他門首了。銀鹿。快些投刺通報。〔丑傳末報介生〕呀。母親。豫章范公路冒雪相訪。見在門外。〔老旦〕孩兒。佳客到門。況

又雪天。他既不惜訪戴之車。你豈可不下懸徐之榻。〔生〕母親。只是囊空羞澀。爲之奈何。〔老旦〕你且出去接他。我自有理會便了。〔生〕生見介。〔小生〕陶兄。久懷慕蘭。未遂斗瞻。今幸識荆。頓開茅塞。
〔生〕范兄。聞風景仰。望切紫芝。冒雪先施。光生白屋。〔拜介〕

〔黃鶯兒〕〔小生〕你衝斗蔚丰姿。貫春雷名久知。如鴟鵂未展凌霄翅。荆山片瓊。滄海寸珠。輝煌定作王家器。〔生嘆介〕小生免嗟吁。扶搖直上。端的是男兒。

〔前腔〕〔生〕范兄。你彩翮奮天池。論鰕生一布衣。無端月旦蒙推譽。薰蕕臭殊。雄雌路歧。須臾感訂金蘭契。我豈敢嗟吁。因風欲奮。端的是男兒。〔小生〕領教已久。小生就此告別。〔生〕呀。范兄說那裏話。承兄遠顧。況又雪色蒙茸。小弟聊備杯酒。爲兄解寒。只是荒齋簡褻。萬勿督過便了。陶旺。快取酒殺出來。〔末〕就船買得魚偏美。隔岸沽來酒倍佳。酒殺在此。

〔梁州序〕〔小生〕冰花呈瑞。飛灰衝素。見四野同雲密布。竹籬茅舍。霎時變作瓊鋪。不覺光搖銀海。凍合玉樓。此際寒威播。翔空鸞鶴也。綴庭柯。古往今來題詠多。〔合〕欣下榻攄情慤。勝笙歌鼎沸喧朱戶。當此景卽蓬壺。

〔前腔〕〔生〕山谿雲暗。柴扉冰堦。彷彿瓊螭鹽虎。祥徵六出。八荒胥慶時和。分明是蝶遺粉翼。鶴墜霜毛。管取來春富。豐年宜瑞也不宜多。爭奈長安貧者何。

〔合〕蒙枉顧。攄情慄。愧笙歌繚繞環朱戶。當此景怯冰壺。

〔前腔〕〔小生〕歎洛陽傾圯榛蕪。痛聖駕蒙塵驕虜。恨金甌莫固。寶鼎誰扶。遙想那微臣遭詬。庶女含冤。上感皇天怒。今日也想必如此。餐毡北海也表臣摹。今日忠良還有麼。〔合〕欣下榻。攄情慄。勝笙歌鼎沸喧朱戶。當此景卽蓬壺。

〔前腔〕〔生〕既王家骨肉殘誅。憾寮窠沐猴狂舞。誰搜羅巖穴。甄拔熊羆。暗想那闔門高臥。披篲閒行。多少英雄苦。太阿顛倒也竟如何。忠義如今半隱釣屠。

〔合〕蒙枉顧。攄情慄。愧笙歌繚繞環朱戶。當此景怯冰壺。〔小生起介〕銀鹿。你把馬喂好了麼。〔丑譚介〕這樣雪中。那里有料。方纔一條褥子。喫得乾乾淨淨。〔小生〕怎麼說。〔丑〕方纔承陶老安人把牀上一條新薦。到來喂了。〔小生〕有這樣事。世間有此賢母。難得難得。〔丑〕哎。相公。還有一件。不好說得。〔小生〕怎麼。〔丑〕你道是酒殺那裏來的。那老安人見相公在此。無可措置。

剪自己頭髮。把陶旺換來的。〔小生驚介〕阿呀。非是母不生是子。〔轉身介〕陶兄。

〔節節高〕〔小生〕高情海內無。聽奚奴。方纔小价說。你北堂截髮供榛脯。世上有此賢德之母。小弟既忝與仁兄傾蓋交歡。敢請令堂一見。〔生〕陶旺。你可扶老安人出來。說范相公要見。〔老旦出見介〕〔小生〕眞賢母。棄髮膚。供吾哺。今宵幸把芳儀覩。共姜孟母眞堪附。〔老旦〕小兒荷蒙寵臨。老妾不勝感戴。區區髮纓。何足道哉。〔生〕母親先請進去罷。〔小生合〕明朝早入豫章城。游揚緩頰傳當路。

〔前腔〕〔生〕清宵愧簡疎。聽銅壺。麗譙漏下將三鼓。情偏夥。雪滿壚。燈花墮。願君暫息蒲團臥。晨興再把衷情吐。〔合前〕

〔尾〕光陰瞬息如駒過。〔生〕盼前程音信杳無。〔小生〕佇看徵書下九衢。

〔小生〕邂逅班荆結故知。

〔生〕荒齋岑寂意何如。

〔小生〕正是與君一夕話。

果然勝讀十年書。

第三齣 瑯琊就鎮

〔夜游朝〕〔小生扮瑯琊王上〕玉葉金枝瓜瓞永封青社海岱稱雄。皇路多艱。閱牆頻構。愧擁節旄南控。昨土東藩列翰屏。慚無雅譽動公卿。今朝復濫專征節。葛藟還思庇本根。

自家瑯琊王容是也。裔本華宗。名高瑞牒。翦桐蒙戲。分服邊陲。訓梓承華。馳情殿闕。爭奈國步艱危。乘輿遷播。河間東海。長沙成都。喋血禁庭。推刃同氣。孤方扈蹕。慮介覆車。以故微服潛歸。退守舊服。所謂知己不辱。從權遠禍。幸蒙聖上不加督過。反封我爲安東大將軍都督揚州諸軍事。持節鎮守建康。寵遇可謂厚矣。只是德絲才薄。無以酬答主眷。爲之奈何。且待王青州與王司馬兄弟到來。商議起程便了。

〔前腔〕〔淨扮王敦上〕腹飽韜鈴承上寵。專征討遠護黃龍。赳赳熊威。桓桓虎略。絕世兵權稱重。

〔前腔〕〔外扮軍司馬王導上〕識闇才庸羞賈董。參帷幄兼贊王躬。契合堂簾。歡同魚水。何必誦詩規諷。〔見介淨〕少小英雄扈六飛。今朝仗節鎮名畿。〔外〕國門鹵簿森戈戟。專

望龍孫駕鳳輿。〔淨〕下官王敦是也。〔外〕下官王導是也。蒙瑯琊王收我二人。置之幕府。今日吾王

奉詔南遷。須索扈蹕。此間已是轅門了。不免逕入。大王。王敦王導參見。〔小生〕二位大夫少禮。二位大夫。孤家欽承朝命。渡淮開闢。顯候到來。商議起程。但是任大責重。如何是好。〔外〕呀。殿下。芬超棖蓼。德美珪璋。詞麗小山。不數淮南好學。胸羅武庫。堪齊子建才華。總帥攸承。匡扶實賴。何乃自謙。今日黃道吉辰。就請殿下升駕。〔衆將官見介小生〕今日既是吉辰。就此起程前去。

〔普天樂〕虎符懸。龍旌捧。紫泥鮮。瑤圖鞏。輕帆送。輕帆送。青雀黃龍。鎮雄圖。石壘金墉。〔合〕呀。聽鉦聲喧闐。旌旗映日紅。似憑虛御風。千里千里直抵江東。

〔北朝天子〕歷彭城呂梁。過鍾吾古塘。聽濤聲洶洶如雷壯。牙檣錦纜。挽龍舟兩廂。駕清波。乘輕浪。馬軍兒幾行。步軍兒幾行。濟濟鏘。濟濟鏘。濟濟鏘。一隊隊刀鎗明晃。刀鎗明晃。蔽津涯如屏幃。蔽津涯如屏幃。

〔普天樂〕棣花榮。君恩寵。豈蕘然。干戈動。蕭牆內。蕭牆內。骨肉交攻。挾皇輿。披棘蒙茸。〔合前小生〕前面是那裏地方了。〔衆〕前面是寶應地方了。〔小生〕分付衆軍校。將戰船把

大船幫定。方好過湖。〔衆應介〕

〔北朝天子〕涉汝淮。淼茫際。璧湖射陽。想漢沈白馬。在波心放。朦朧巨艦。護餘皇直上。沸笙歌。聲嘹唳。文鴛兒幾雙。白鷺兒三兩。隱隱颺。隱颺隱隱颺。一對對往汀洲相傍。汀洲相傍。玩景物神情暢。玩景物神情暢。〔衆稟〕稟大王爺。前面是揚州督府了。〔小生〕叫衆將官傳令。城中一應官員。俱赴建康相見。大舟不必停泊了。〔衆應介〕

〔普天樂〕樹牙旗。維揚重。建麾旄。軍容動。揚舡下。揚舡下。頃刻江淙。見金鰲獨湧華峯。〔合前〕

〔北朝天子〕望天連水光。見山橫波蕩。正江心後浪催前浪。石頭雄踞。聚貔貅虎狼。喜今朝。歸囊輶。看瑯琊渺茫。想洛陽悒悒。慨慨慷。慨慷慨慨慷。振皇靈把中原反掌。凱旋歌齊聲唱。凱旋歌齊聲唱。〔衆稟介〕稟大王爺。已到建康了。請大王爺升駕。〔小生外作登岸介〕

〔普天樂〕鳳凰臺。浮雲拱。燕子磯。烟巒湧。忙開泣。忙開泣。虎帳團營。坐王家十乘元戎。〔合前〕

〔小生〕建牙開纛鎮東吳。

〔外〕佐策堂堂神廟謨。

〔衆〕親扶日轂還天闕。

方表璇源烈丈夫。

第四齣 辭親赴任

〔薄倖〕〔生上〕兔走咸池鳥飛陽谷。恨命逢陽九。運遭百六。誰知唾手功名畢。竟空成蕉鹿。怎能穀策身廊廟。頓使甘霖隨化轂。暑往寒來春復秋。朝經暮史蘊紆籌。英雄未奮凌霄翮。空望南冠泣楚囚。小生席珍待聘。藏器須時。爭奈塵埋。未逢鑑識。譬之劍沈豐獄。驥伏鹽車。前日偶遇一相者。說我左手中指有豎理。常爲三公。貴不可言。那時節我以針刺之。見血灑壁上。果然成一公字。人皆詫以爲奇。我想起來。今日這般寒苦。怎能個到那田地。咳。正所謂臣老而帝好少。命奈之何。賣漿而天值寒。時不我與。好生傷感人也。〔丑扮老人持帖上〕日日奉公差。兩脚都奔壞。圖裏有申頭。便是好買賣。迤邐行來。此間已是陶家門首。待我咳嗽一聲。〔嗽介〕門上有人麼。〔末〕那個。〔丑〕我乃本縣坊長。縣主老爺特地差來宅上報喜。〔末〕本縣差坊長下帖報喜。〔生〕這妮子見我憂悶。故意調謔。〔末〕果然在外。男女怎麼敢謔。〔生〕旣如此。快請進來。〔見介〕大

人賀喜。〔生〕有何喜事。〔丑〕大人還不知道。方今寇盜憑陵。朝廷下詔徵賢。本縣將大人名字。申報上司。見除武岡縣令。早間報到。縣主老爺特差小子到宅傳達喜信。不日有了文憑。就送冠帶來了。多多拜上。還要面賀。〔生〕原來如此。請坐告茶。〔丑〕不敢。小子就此告別。〔生〕這等有勞了。陶旺。取回帖與他。〔末〕一子受皇恩。全家食天祿。帖在此。〔生〕坊長。多多拜上老爺。我還要自來親謝。〔丑〕噯。謹傳公相命。回覆俺恩官。〔下生〕陶旺。請老安人出來。〔老旦旦小旦同上〕

〔出隊子〕〔老旦〕皇恩鳥奕。聞報令人心意懌。儒冠今喜進賢易。韋布一朝承黼黻。台鼎勳名。錐囊脫蹟。孩兒聞得你上司薦辟。除授官職。這也是祖宗有靈。家門有幸。可喜

可喜。〔生〕全賴母親教育之恩。

〔女冠子〕〔生〕諄諄慈命課昕夕。繼晷焚膏。斷機丸墨。筐笈饒經籍。鞦橐餘韜戟。今日裏步毛生。捧君檄。喜孜孜。北堂中把愁顏頓釋。

〔滴滴金〕〔旦〕文鸞綵鳳。諸琴瑟。燕于飛。鸚鵡比翼。而今幸沐君王澤。相公。怕忘了糟糠室。心中暗憶。頃刻間把釵分鏡拆。奈蕉景親年。提起柔腸寸織。